



## Universitätsbibliothek Paderborn

**De Breviario Concionatorio, Strenæ, Fidelis Prophetissa  
Concionibus de B. M. Virgine serviens, Conciones  
Occurrentes & Funebres**

**Tylkowski, Wojciech**

**Oliva, 1686**

III. Quia Dominam illam sibi certo modo constituit.

[urn:nbn:de:hbz:466:1-51821](https://nbn-resolving.de/urn:nbn:de:hbz:466:1-51821)

Et ita argumentatur Basilius Seleuc. orat. de Annunt. Si Petrus ob id B. appellatur, regnique cælorum claves fortitus est, quia Christum Dei Filium palam confessus est: quomodo ea super omnes prædicanda non est, quæ illum parere meruit, quem ille confessus est. Utrumque collegit. S. Thom. de Villa nova serm. 3. de Nativ. Virginis. Antequam conciperet Filium Dei, jam idonea erat, ut esset Mater Dei, sed qualis est hæc dignitas? utique habet quandam infinitatem esse Matrem infinit. & omnipotentis. Quæ autem excellentia, quæ perfectio, quæ magnitudo decuit eam, ut esset Mater Dei! hic jam filia lingua carnis, excedit enim intellectum & loquaciam magnitudo Virginis, non solum nostram, sed etiam suam; fecit mihi inquit, magna qui potens est, sed quam magna nescio, an ipsamet valeat comprehendere. Unde melius eam silentio veneretur, sicut scriptum est Psal. 48. Tibi silentium, laus, secundum translationem Chaldaicam. Ubi dicimus. Te decet hymnus in Sion quæ verè omnis laus silentium est, & cum finierit homo laudare, tunc incipit, imò nec locutus est, propter quod S. Evangelistæ de laudibus ejus silent, quoniam ineffabilis est ejus magnitudo, satis fuit de ea dicere, de qua natus est Jesus.

Et S. Bernard. serm. signum magnum. Quod verus Deus, & homo prodij ex Maria abyssus est luminis, nec facile dixerim, quod vel Angelicus oculus ad hujus fulgoris vehementiam non caliget. S. Bernardin. tom. 2. serm. 51. art. 3. cap. 1. Tanta fuit perfectio Virginis, ut soli Deo cognoscenda reservetur, juxta illud Eccles. 1. p. 1. creavit me in spiritu S. vidit, numeravit & mensus est, scilicet ipse Deus solus.

### 3. Quia Dominam illam sibi certo modo constituit.

Gerson. serm. de Annunt. Hodie Domina nostra altius nomen accepit & perfectius quod esse possit homini post nomen Filii; & est, quod Mater Dei dicatur, melius eam appellare non possumus, quoniam per hoc habet veluti authoritatem, & naturale Dominium ad totius mundi Dominum, & à fortiori ad omne id quod huic subjectum est Domino, ita quod in nomine suo omnia flectantur, in cælo & in terra, & in inferno, per hoc accepit plenitudinem gratiæ non solum pro se, sed etiam pro omnibus hominibus. Sed pridem hoc Dominium expressit S. Lucas cap. 2. cum dixit. Et erat subditus illis.

Quod S. Bernardus admiratur serm. 5. super missus. Ille cui Angeli subditi sunt, cui Principatus & potestates obediunt, subditus erat Mariæ! nec tantum Mariæ, sed etiam Josepho propter Mariam! Ricardus lib. 1. cap. 5. hoc ipsum expressit. Maria maior aliquid cæteris hominibus sanctis fortita est, ut non solum ipsa subjeceretur voluntati Domini, sed etiam Dominus voluntati ipsius, ut per hoc meritò diceretur Dominus esse cum ea.

Quantum

Quantum verò jus natura Parentibus in filios dederit, deditus *Iesus lib. 25 de iustitia cap. 5. dub. 4. num. 17. & cap. 21. v. 7. Exod.* Quod scilicet illos sibi servos facere, & loco sui in servitatem dare possint, agnoscebat Dominium & deferebat omnem venerationem Matri iste Filius. Et ut *Richardus à S. Laur. lib. 4. docet.* Multoties ut creditur, genu flexit coram Virgine Matre, & hoc notat *S. Bernardus tom. 3. serm. 11. Art. 2.* Misticè figuratum fuisse 3. Regum 2. ubi scriptum est quod surrexit Salomon in occursum Matris sue & adoravit eam &c. quæ sedet ad dexteram ejus. Ubi ait *S. Bernardinus.* Contemplare mirificam obviationem, quia surrexit Salomon in occursum Matris sue, mirificam adorationem, quia adoravit eam, altissimam sublimationem, quia positus est thronus Matri Regis; surrexit igitur dulcissimus IESUS in occursum Matris sua &c. Imo jam jam moriturus Christus Dominus, quid agit? *Arnold.* respondet, *tract. de Verbis Domini.* Christus cum moriturus erat quasi solum optaret vitam ut Matri obsequeretur, voluit vicarium obedientiam, & curæ filialis in Joanne & observantiae in reliquis fidelibus relinquere, siquidem mortem evitare non expediebat, ut hoc pacto & redimeret nos moriendo, & gratus esset Matri, relinquendo vicarios exhibenda venerationis, quasi ipse fateretur, non se satis fecisse Matri pro suo desiderio.

Jure Matri huic applaudit *S. Method. orat. in hypap.* Euge euge quæ debitorem illum habes, qui omnibus mutuatur. Deo universti debemus, tibi autem etiam ille debet, ac proinde qui dixit honora Patrem tuum, & Matrem tuam, ut is decretum a se promulgatum observaret, & alios excederet, omnem Matri & gratiam & honorem impedit.

#### 4. Quia fecit illam sui Regni Sociam.

Regem veneramus Christum Dominum cui tradidit Deus gentes ut illis imperet & in domo David regnet in æternum, sed en Reginam eorum Regnum. *S. Damascenus in Menais 27. Julij ostendit,* alloquitur atque adorat. Tu tanquam Regina Regi ex utero tuo effulgenti à dextris adjuncta es, velut Psalmista testatur. Conlonat *Comestor* dum enim in librum Esther scribens illa *cap. 4.* explicat. Non pro te sed pro omnibus hæc lex constituta est, hanc paraphrasim ex parte Christi format: nomine Estheris Mariam intelligendo, Noli timere propter subditos data lex est, tu vero mihi conregnas. Hujus imperij effectum *Arnold. Carnoten. de laudib. Virg.* assignat, communia cum Christo laudem, gloriam, & præconium, ita enim ait: Cum debitæ venerationis summa ad Christum respiciat, ex cuius plenitudine rotatum est desuper, quod Maria prædicatur gratiâ plena, manifestum est esse individuum Matris, & Filij gloriam, & communia esse utriusque præconium, cuius definitio omnem superat intellectum. *Hanc,*